



IZJAVA O ODGOVORNOSTI I IZRAVNOM PREUZIMANJU RIZIKA

Molimo, pažljivo pročitajte, označite svaki pojedini stavak koji razumijete i prihvaćate (popunjavanjem na početku stavka), a zatim potpišite izjavu koju prihvaćate u cijelosti.

- Ja, _____, ovim potvrđujem da sam upoznat sa činjenicom da ronjenje na dah i ronjenje sa komprimiranim zrakom i plinskim mješavinama (autonomno ronjenje) sadrži potencijalne opasnosti i rizike.
- Razumijem da je ronjenje potencijalno opasna aktivnost, koja uključuje mogućnost nastanka ozljeda kao što su dekompresijska bolest, plinska embolija ili koje druge hiperbaričke ozljede što zahtijeva liječenje u hiperbaričnoj komori. Mogući rizici usljed ozljeda nastalih u ronjenju su rizici različitih privremenih ili trajnih tjelesnih ozljeda, rizik nastupanja smrti (u slučaju posljedica usljed grubih prekršaja pravila o sigurnosti ronjenja).
- Saglasan sam da ću slijediti sva pravila koja Klub, voditelji ronjenja/ronilačke grupe ili instruktori navode tokom teorijske i praktične nastave i ronjenja. Dosljedno ću izvršavati sve ostale radnje koje su dio nastavnog programa i predstavljaju osnove sigurnog ronjenja. Poštovanjem pravila o ličnoj i kolektivnoj sigurnosti prihvaćam odgovornost, te ću svojim načinom ponašanja dosljedno poštovati pravila sigurnosti ronjenja.
- Obavezujem se poštovati individualna pravila ponašanja koja direktno ili indirektno utiču na sigurnost ronjenja (ličnu i kolektivnu), te shodno tome shvatam da moje obaveze podrazumijevaju: održavanje dobrog psihičkog i fizičkog zdravstvenog stanja; izbjegavanje ronjenja u slučaju da se osjećam psiho-fizički nespreman učestvovati u podvodnim aktivnostima; izbjegavati konzumiranje alkohola ili lijekova prije ronjenja (posebno stimulativnih sredstava, prirodnih ili sintetičkih) što može uticati na moju psiho-fizičku stabilnost u ronjenju; poštovati pravila sigurnosti priprema za ronjenje, kontrolisati opremu i brinuti se o ispravnosti iste; poštovati pravila normalnog disanja pod vodom, izbjegavati zapuhavanje i nepravilnu balansiranost u ronjenju, ne udaljavati se od mog ronilačkog partnera i ronilačke grupe, poštovati pravila sigurnog izrona brzinom 7 do 10 m/min i izvedbu dekompresijskog režima; održavati opremu u ispravnom stanju i koristiti je na ispravan način u ronjenju; održavati za vrijeme ronjenja stalnu komunikaciju s voditeljem ronjenja/ronilačke grupe ili instruktorom, te da ću ispravno izvršavati sve ostale radnje koje mi pod vodom nalaže voditelj ronjenja/ronilačke grupe ili instruktor, a dio su osiguravanja sigurnog ronjenja.
- Prihvatam rizik i odgovornost moguće materijalne ili nematerijalne štete nastale tokom ronjenja kao i rizik gubitka ili oštećenja dijelova klubske opreme kojom se služim tokom ronjenja. Saglasan sam s time da ću nadoknaditi svaku štetu nastalu mojim aktivnostima tokom nastave i ronjenja. Izjavljujem da za bilo koju štetu nastalu tokom nastave ronjenja i obavljanja podvodnih aktivnosti NE ODGOVARA Klub, voditelji ronjenja/ronilačke grupe ili instruktori osim ukoliko se ne dokaže da je materijalna i nematerijalna šteta nastala izravno zbog njihove krivice.
- Saglasan sam da u slučaju nastanka bilo koje psiho-fizičke ozljede ili posljedice, nastanka bilo kojeg oblika ronilačkog udesa koji mi se može dogoditi tokom ronilačkih aktivnosti (pripremnih ili izravnih) usljed nepoštivanja pravila o sigurnosti ronjenja ili instrukcija koje su mi date od strane Kluba, voditelja ronjenja/ronilačke grupe ili instruktora tokom ovih aktivnosti, preuzimam ličnu odgovornost. Izjavljujem da neću dodatno i naknadno teretiti na bilo koji način Klub, voditelje ronjenja/ronilačke grupe ili instruktora niti bilo koju instituciju koja učestvuje direktno ili indirektno u procesu nastave ronjenja ili obavljanja podvodne aktivnosti.
- Izjavljujem da sam pravno i materijalno spreman preuzeti na sebe svaku odgovornost koja se od mene zahtijeva u gore navedenim aktivnostima, da potpuno razumijem gore navedene stavke i da sam svjestan njezinih zakonskih posljedica. Svojim potpisom ovog dokumenta preuzimam gore navedene elemente odgovornosti i to prihvatam slobodno i svojevrijedno, bez ikakve prisile, jamstva ili pružene mi garancije.

ZA MALOLJETNE OSOBE: Kao roditelj ili staratelj, ja _____, potpisujem ovaj dokument u ime maloljetnog djeteta i saglasan sam obavezati se na navedene stavke odgovornosti kao što je gore navedeno u svim uslovima, razumijevajući potencijalne rizike u cjelosti.

Ime i prezime: _____

Datum: _____

Broj LK: _____

Potpis: _____